

Naalakkersuisut Allattoqarfia
Ingerlatseqatigiiffinnut Allattoqarfik

Landsstyrets Sekretariat
Bestyrelsessekretariatet

Palle Christiansen
Demokraatit

Greenland Ressources-ip namminersortunngorsarneqarsimanera pillugu § 36, imm. 1, naapertorlugu apequteqaatit.

14.01.2007
J.nr. 70.60

Asasara Palle Christiansen
Kujanaq apequtinnut. Neriuppunga akissutikka naammagisimaassagitit.

Postboks 1015
3900 Nuuk
Grønland
Oq/tel +299 34 50 00
Fax +299 32 50 02
Bestyrelsessekretariatet
@gh.gl
www.nanoq.gl/bestyrelsessekretariatet

Qanoq akilersillugit Greenland Ressources-imi ingerlassassanik piareersaanermut suliaqarfik siunnersuisoqarfillu tunineqarsimappat?

Siullermik aallaqqaammut erseqqissaatigissavara imaangimmat Greenland Ressources A/S tunineqarsimasoq. Taamaattumik aamma Greenland Ressources A/S namminersortunngorsarneqarsimanngilaq. Pisorli tassaavoq Greenland Ressources A/S-ip suliarisartagaasa amigartoorutaallutik ingerlanneqartut tunineqarsimani, soorlu ingerlatseqatigiiffiup siulersuisui taamatut siunnersuuteqarsimasut. Taamatullu iliorneq naapertuulluinnarpoq piginnittup ataatsimeersuarnerit aqqutigalugit siusinnerusukkut siunnerfissanik nalunaaruteqartarsimaneranut. Ingerlatseqatigiiffik ukiuni arlaqartuni naammaginangitsumik ineriartorsimavoq, tassanilu Greenland Contractors-imik piginneqataaneq, aammalu sanaartornermi ingerlataqartunut siunnersuisuusarneq kisimik sinneqartoorfiusumik ingerlatsiffiusimallutik.

Namminersortunngorsaaneq Landskarsimut qanoq iluanaarutaasimava?

Suliat tunineqartut tamarmik amigartoorutaasumik ingerlanneqarsimammata, tunisineq Landskarsimut iluanaarutaasimanngilaq. Taamaattorli Landskarsi ukiuni aggersuni ingerlatseqatigiiffiup Greenland Contractors-imik piginneqataanera aqqutigalugu iluanaarutiniq malugisassaasunik annertussuseqartunik isertitaqartalissaaq.

Soqutiginnittunik pisisussaqaarsimava?

Suliat ingerlanneqartut tassaapput ilisimasanik tunngavilimmik ingerlatat, tassalu sulisorisat ilisimasaat tassaapput "ilisimasat nalillit". Ilisimasanik pigisaqarneq taanna Namminersornerullutik Oqartussat susassaqaartunut pingajuusunut

tunisinermut atasumik iluaqtiginiarsinnaangilaat. Sulisorineqartut kissaatigisimangikkaluarpaaq tunisinissaq, namminneerlutik tunisinermi peqataatinneqassanngikkunik. Taamaattumillu assut nuannaarutaasimavoq ingerlatseqatigiiffiup siulersuisuisa nalunaarutigisinnaangormassuk, piffissami ingerlasumi oqaloqatigiinnerit ingerlanneqareerneranni isumaqatigiittoqarsinnaasimammat, ingerlatseqatigiiffiup Kalaallit Nunaanni ingerlassassanik suliaqarfiata siunnersortitullu sullissiviata sulisuusunut tamanut, Greenland Venture A/S-imut aamma RC Entreprenørservice A/S-imut tunineqarsinnaangornera, tassungalu ilanngullugu Greenland Ressources A/S-ip atia tigullugu.

Tuniniaanermi periaaseq qanoq ittoq atornerqarpa?

Naalakkersuisut Inatsisartunut pisussaaffeqarput Namminersornerullutik Oqartussat ingerlatseqatigiiffinni aningaasarsionnikkut soqutigisaasa illersorneqarnissaannik, tassungalu ilanngullugu Namminersornerullutik Oqartussat pigisaasa isumannaarneqarnissaat. Greenland Ressources oqaatigineqareersutut ukiuni arlaqartuni naammaginangitsumik ineriartorsimavoq, suliat allat tamarmik Greenland Contractors-imik piginneqataaneq sanaartormilu ingerlatanut siunnersuisuuneq eqqaassanngikkaani, amigartoorutaasumik ingerlanneqarsimallutik. Taamaattumillu Greenland Ressources-ip siulersuisuisa suliassaq aallartissimavaat, amigartoorutaasumik ingerlatat tamarmik tunineqarnissaat siunertaralugu, maannalu tamatuma kingunerisaanik ingerlatat pineqartut peerneqarput. Sinneruttut tassaapput sinneqartoorfiusumik ingerlatat, Greenland Contractors-imik piginneqataaneq aamma sanaartortut siunnersorneqarnerannik ingerlatsivik, tassungalu atatillugu ingerlatseqatigiiffiup atia allanngortinneqarluni "Inuit Service Company", naalisarlugu ISCO.

Piginnittuunermi Inuit Service Company-iip procentii qassit sulisorisanit, Greenland Venture-imit aamma RC Entreprenørservice-imit pigineqarpat?

Inuit Service Company 100 pct.-imik Namminersornerullutik Oqartussanit pigineqarpoq, tassami amigartoorutaasumik ingerlatat peerneqarput, taavalu ingerlatseqatigiiffik allamik ateqalerluni.

Inuit Service Company-ip ingerlatsinissamini anguniagaa qanoq ittuuva?

Ingerlatseqatigiiffiup siunertaa tassaavoq soqutigisalittut "Greenland Contractors-mik 21. februar 1994-imeersumik" piginneqataaneq, aammalu erngup nukinganik Qorlortorsuarmi innaallagissiorfiliormi siunnersortitut suleqataaneq.

Sanaartormi siunnersortitut sullissineq piginnarneqarpoq, - maanna ISCO-mi, Nukissiorfinnut isumaqatigiissuteqarneq naapertorlugu sulisorisat atisigut taallugit Qorlortorsuarmi erngup nukinga atorlugu innaallagissiorfiliormi siunnersortigineqarmata. Inuit uani pineqartut ilisimatinneqareerput, paaseqatigiissutaavorlu sanaartugassanik siunnersortitut suliaq Nukissiorfinnut isumaqatigiissut naappat atorunnaassasoq.

**Ingerlatseqatigiiffik nutaaq qanoq ittunik Namminersornerullutik
Oqartussanut pisussaaffeqarpa?**

Inuit Service Company-ip Namminersornerullutik Oqartussanut pisussaaffii; siullermik tassaavoq ingerlatseqatigiiffiup siunertaata naammassiniarnissaa, aammalu sapinngisamik annertunerpaamik Namminersornerullutik Oqartussat iluanaaruteqarnissaat siunnerfigissallugu.

Ikinngutinnersumik inuulluaqqusillunga

Hans Enoksen